

BENNY NSIBET TA ADVERTI CONTRA PLANNAN DI MELCHIOR

ORANJESTAD(AAN)—Sr. Benny Nisbet, lider di PPA ayera a manda un advertencia relaciona cu e contrato cu gobierno di Aruba a sera cu Leon Melchior.

El a muestra cu e contrato, aki ta pone cu despues Sr. Leon Melchior lo por hasta bay asina leeuw di entama caso contra gobierno ora bini problema.

El a mira e contrato cu a ser firma mescos cu otro parlamentarionan y cu e contrato aki ta masha riscante pa nos isla y

cu den dje por a nota tambe cu ta Sr. Betico Croes a acerca Sr. Melchior y no manera tabata ser bisa, cu ta gobierno di Aruba a haci esey.

Segun Sr. Nisbet, Bestuurscollege a core pa e pregunta, ta kende a bisa Consejo Ehecutivo pa haci uso di servicio di Sr. Melchior. Tambe Consejo Ehecutivo a core pa e pregunta, ta kende a bisa cu Sr. Melchior ta asina un experto cu e lo por yuda Aruba.

El a muestra con Sr.

Melchior ta bay ricibi un millon dollar pa traha un rapport, cual lo bira un compilacion di diferente rapportnan di gobierno di Aruba, forma den un solo rapport y cu e comerciante hulandes no ta haya bista den tur rapport cu tin di nos isla pero tambe di tur cifranan y for di esakinan e lo bini cu su plan.

Tambe e ta contra cu si gobierno ehecuta cualquier di e plannan di Sr. Melchior, e persona aki mester wordo involvi y


duna guia na ehecucion di e plannan aki. "Esaki kiermeen cu ariba e terenonan caminda Sr. Leon Melchior mester duna consejo, manera Zona Liber, Turismo etc. ora cu tin proyectonan pa ser ehecuta, ta Sr. Leon Melchior lo mester conversa cu e inversionista y mira si e ta interesa di inverti tambe y duna guia

Esaki ta un gobierno banda di e gobierno cu ta ser eligi pa pueblo. Di otro banda esun cu ta bini di afo pa inverti ta ha-

ya problema, pasobra nan no ta haya nan mes cu gobierno di Aruba pero cu Leon Melchior, locual ta sumamente extraño", sr. Nisbet a laga sa advertiendo ariba problemanan cu e contrato aki lo crea na futuro. "Ami ta bisa cuidao cu e contrato vago aki cu ta duna Sr. Leon Melchior un poder enorme y no hinca Aruba den problema di manera cu e lo haci manera na Hulanda, entamando caso contra gobierno", Sr. Nisbet a adverti.

DIVI HOTELS TA CONSTRUI OTRO HOTEL NA ARUBA

Construccion di Divi Club ta cuminsa diahuebs



Ariba e combinacion di foto aki por mira representantenan di e consorcio di banconan cu lo financia e proyecto nobo di Divi hotel, Divi Club, diputadonan Oduber y Kuiperi, hunto cu presidente di Divi Hotels Sr. Walter Wiggins y vice presidente Sr. Roger Coster, durante e conferencia di prensa cu a ser duna ayera mainta. Tambe por mira un dibuho di e hotel nobo cu lo ser construi pariba di Alhambra Casino, Divi Club.

ORANJESTAD(AAN)—Ayer a mainta Divi Hotels a tene un conferencia di prensa encuan to nan proyectonan. Diputado di Turismo Sr. Michael Kuiperi a introduci e proyecto nobo cu e cadena hotelero lo bini cune.

Ta trata di e proyecto di Divi Club, un hotel nobo cu lo ser construi pariba di Alhambra casino, unda actualmente tin e cancha di tenis, bin abao te na caminda dilanti (parti pariba) di Alhambra Casino.

E siman aki lo cuminsa cu construccion y e mester ta cla dia 15 di december e aña aki.

E prome fase di e hotel aki lo ta di 50 camber y ta un proyecto cu ta costa 2.5 millon dollar di

cual 2 millon dollar ta ser financia pa un consorcio di banco, Algemeene Bank Nederland, Aruba Bank, Banco di Caribe, y Caribbean Mercantile Bank. E consorcio lider ta Aruba Bank.

Albo Aruba cu a traha dia y anochi ariba Alhambra Bazar ta e contratista cu lo construi e hotel aki.

130 empleado lo tuma parti na e construccion y 40 trabao nobo den industria di turismo lo ser genera.

Segun Sr. Jean Lynch vice presidente di venta y mercadeo di Divi Hotel, e hotel ta den un situacion di sold out caba y cu e prome huesped lo registra diasabra dia 20 di december.

Presidente di Divi Ho-

tels, Sr. Walter Wiggins a expresa su aprecio pa gobierno di Aruba y e consorcio di banconan pa nan colaboracion pa realizacion di e proyecto aki.

"Aña pasa dia cu nos a puntra gobierno pa no re-

move e brug bieuw na Lloyd G. Smith nos tabata tin na mente caba realizacion di e proyecto aki", el a laga sa.

Diputado Nel Oduber tambe a expresa su satisfaccion cu e proyecto aki

y a laga sa cu di tempo cu a cuminsa planea Alhambra Casino y Alhambra recreation Center, Sr. Wiggins a muestra cu e lo construi otro hotel tambe y awor e ta cumpli cu su promesa.

CO-PROPIETARIO DI BODY LANGUAGE DETENI

ORANJESTAD(AAN)—Ayer a DIARIO a haya e informacion cu e co-propietario di Body Language, K.E. a keda deteni pa interrogacion relaciona cu e incendio cu a destrui Eagle Club, Body Language y Restaurant di e compleho diasabra ma-druga.

Manera ta conoci, te cu ayera no tabata conoci motibo di e incendio y investigacion tabata den full swing.

Ayer a diripiente recherche a bay over na detene e co-propietario di Body Language y esaki ta trece cune especulacionnan di

cu e incendio lo no tabata di kortsluiting of un of otro fallo, pero cu presumiblemente e candela a ser sendi intencionalmente, of ocasiona intencionalmente, ya cu no ta bay over con cu ta na detencion, si no tin un sospecho.